



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

XXIV. Ad mendaces.

[urn:nbn:de:hbz:466:1-52716](#)

tes, immixtis tot salutationibus angelicis. *Teneamus Mariam, nec dimittamus, donec benedixerit nobis. Potens est enim. S. Bern.*

EXHORTATIUNCULA XXIV.

Ad Mendaces, & Falsarios.

I.

O Bone! exulat Deus, ubi nulla veritas. Non benè conveniunt, nec in una sede morantur Deus, & mendacium. Viri perfecti omne mendacium fugierunt ut scelus maximum: Et Christianus hauriat ut aquam? Quæ hæc statu adeò nobilis decentia? Ah! incautum Mortalium os!

Instructio meritoria.

Comprimamus, & custodiamus nostrum. Ut à Spiritu Sancto impetremus donum veritatis, recitemus Illius officium minus cum Lytaniis de eodem veritatis Magistro. Dein septies exosculemur terram cum dicto: *Os, lingua, mens, sensus, vigor confessionem personent, flammescat igne charitas, accendat ardor proximos.*

II.

Filli! ut quid mentimur, & ipsi nos seducimus, inferentes crimen gloriæ nostræ? mentiri pueris, & mulierculis familiare est. Erubescamus velle esse de genere tam vili! Toties labia signamus Nomine Jesu: & tam probrosô contaminamus vitiô. Quid si irasceretur Dominus? Nam perdet omnes, qui loquuntur mendacium.

Kk

In-

Instructio meritoria.

Nomen Jesu, o potens Verbum! Ut labilem sanet linguam, membrum adeo infirmum, officium & Lytaniae de eodem Benedicto Nomine dicamus, & os hodie duodecies devotè signemus pronuntiando: *Benedicamus + Patrem, & + Filium, & + Spiritum Sanctum. Laudemus & superexalteamus eum in secula* Hæc verba, hæc nomina Christianos decent.

III.

Dilecte! O quot sunt hominum, quorum vivere continuum est mentiri; simulata probitate imponunt omnibus. Quam pauci volunt videri, quod revera sunt! Fili! novit nos Deus. Frustra celamus coram homine scelera nostra. Deus erit Judex, & vindicta eorum. Imminet dies! Appropinquat hora! Detrahetur hypocrisi larva! Patebunt omnia. Benè S. Augustinus: *Occultari potest ad tempus veritas, vinci non potest. Florere ad tempus potest iniquitas, permanere non potest.*

Instructio meritoria.

Capimus hanc doctrinam? Ergo ad executionem! Vitam, mores, dicta, & facta in hodierno examine discutiamus, & quia Deum, ac hominem saepius decepimus, extraordinariam confessionem cum sacramentali Communione instituamus orando psalmos graduales. Per gradus ascenditur ad montem veritatis, justitiae, & Christianæ perfectionis.

EX-

